

~~like moederlike~~ moeder byn ende dy  
 ghedraghen hebbe ter werlt dattu my  
 hoerste **I**ck begheer van dy wanttu  
 binners steruen wilste dattu doch enē  
 anderen doet lydes dan den schande-  
 liken doet des cruce wanttu dat  
 wal macht heuest **D**ie here antworde  
 hoer weder en sprack **m**ijn lieue sue-  
 te moeder ick kenne dat ick dy syn v  
 bonden toe even want ick mijn meest-  
 hett van dy ontsaen hebbe meer ic  
 syn voele meer verbonden den vader  
 toe even en ghehoersa toe wesen van  
 wen ick mijn godh<sup>e</sup> hebbe **H**et wort  
 adam verboden op syn doet dat hie  
 niet eten en solde van dat holt des pa-  
 radises **E**nde want hie daer en teghe-  
 dede en brack mijns vaders gheboth  
 soe moeste hie steruen den doet des lit-  
 hames van welcken doet hem nie-  
 mant mochte ontbinden dan ee me-  
 sche van synen gheslechte die sonder